




Saunia e Elder Gary E. Stevenson
O Le Korama a Aposetolo e Toasefululua

O a ki o le perisitua?

O ki o le perisitua e le o ni ki e mafai ona e tago i ai pe uu i lou lima, e pei o ki o se taavale. O se ki o le perisitua o le pule po o le faatagaga lea e galue ai i le suafa o le Tama Faalelagi. O ki o le perisitua e mafai ai e taitai o le Ekalesia ona faatonotonu le ala e faaoga ai le perisitua i luga o le fogaeleele.



O loo i ai ia Iesu Keriso ia ki uma o le perisitua. Ina ua toefuatai mai le Ekalesia, sa la tuuina mai ki o le perisitua ia Iosefa Samita e galue ai o Lana perofeta. O loo i ai i le Au Perisitene Sili ma le Korama a Aposetolo e Toasefululua ia nei ki i le aso.



O le Au Perisitene Sili ma le Korama a Aposetolo e Toasefululua e faatonotonuina le ala e faaoga ai le perisitua ia faamanuia ai fanau a le Tama Faalelagi. Latou te faasafua atu, pe tuu atu, nisi o ki o le perisitua i epikopo ma perisitene o paranesi.



Ona ua i ai ki o le perisitua i luga o le fogaeleele, ua mafai ona papatisoina ma faamauina i tatou, maua se faamanuiaga faaleperisitua pe a tatou mama'i, ma faamauina i le malumalu.

Loka i Fafo!

Sa matuai malulu fafo, ma na maatiati le ea malulu Si alafau ma taliga o le auaiiga o Sitivenisone. Ina ua uma se aso malie o faaseega, sa latou asa atu i le kiona e o atu i le latou taavale. Sa latou tulimatai e o i totonu o le taavale ma faamafanafana ai i le ea mafanafana.

Ae ina ua aapa ifo Elder Sitivenisone i lana taga, ua leai ni ki! "Po o fea o i ai ki?" sa ia mafaufau ai. Sa faatalitali ma le le to'a tagata uma mo lona tatalaina o le taavale. A leai ni ki, e loka i latou i fafo! E le mafai ona latou tatalaina le faitotoa pe faaola foi le taavale. E le mafai ona latou kiina le ea mafanafana.

O le mea muamua lava na fai e Elder Sitivenisone o le faia o se tatalo. Sa ia ole atu i le Tama Faalelagi e fesoasoani ia latou maua ki o le taavale. Na sosoo ai ma lona matuai mafaufau toto'a po o gafea na ono pau ai. Ona ia mafaufau lea i sana puna faasee na ia faia i se taimi na muamua atu o le aso. "Atonu na i ai ki iina i le kiona," na ia mafaufau ai.

Sa toe foi atu Elder Sitivenisone ma nisi o le aiga i le tumutumu o le mati'e faasee ma faasesee mai i le ala o le faaseega. E oo ane i le taimi na taunuu ai i le pito i lalo o le puna faasee, ua faasolo ina goto le la. Sa latou su'e solo mo le ki a o faasolo ina pogisa. O le mea na latou ofo ai, na latou mauaina ki ae lei pogisa tele.

O le tatalo ma le mauaina o ki o le latou taavale, na faamanatu mai ai ia Elder Sitivenisone, o le a le tuua e le Tama Faalelagi i tatou e tutu i le malulu. Ua Ia tuuina mai ki ma le pule o le perisitua i taitai o le Ekalesia e fesoasoani e taitai saogalemu atu ai i tatou ia te Ia. ■

ATA NA TUSIA E DAN BURR

